



Serbski Sorbisches institut Institut

Wupisanje džěłoweho městna

W Serbskim instituće w Budyšinje ma so wot 1. januara 2018 wobsadzić połne džěłowe městno

sobudźěłaćerja/sobudźěłaćerki za wědomostne předžěłanje datow.

Mzda płaći so po TV-L (E13) jeli su wosobinske wuměńjenja date.

Nadawki:

- sobudźěło na slědženskich projektach instituta
- awtomatiske předžěłanje rěče/korpusolinguistiske wuhódnoćenja (inkluziwnje statistiki a wizualizacije)
- wuwicé IT-programow a IT-gratow (na př. za wuwicé annotěrowanych korpusow)
- sobudźěło při natwarje slědženskeje infrastruktury
- sobudźěło při digitalizaciskich procesach kaž tež při natwarje a wobhospodarjenju portala za prezentaciju sorabistskeje wědy

Wuměńjenja za přistajenje:

- wotzamknjene wysokošulske wukubłanje na polu informatiki abo kompjuteroweje linguistiki
- nazhonjenja w programěrowanju, na př. w Perl/Python a Java
- zajim za zhromadne džěło w interdyscyplinarnych projektach digitalnych duchownych wědomosćow
- zwólniwość k dalekubłanju a w serbskorěčnym wobswěće džěłać kaž tež zwólniwość k přiswojenju hornjo- a/abо delnjoserbšćiny
- zwólniwość, we wobmjezowanym ramiku na hladanju bazisoweje IT sobuskutkować
- jara dobre analytiske kmanosće kaž tež wuběrna kmanosć komunikacije a džěła w teamje

Jeli maće znajomosće z wobłuka XML-reprezentowanych tekstowych korpusow a nazhonjenja w džěle z korpusowymi gratami, je to lěpšina. Tohorunja so znajomosće hornjo- abо delnjoserbšćiny abо druheje zapadnosłowjanskeje rěče witaja.

Serbski institut poskića dynamiski a mnohostronski džěłowy wobswět, kiž je přez duchownowědomostne slědženje charakterizowany. Na instituće skutkują wjacori sobudźěłaćerjo z IT-nadawkami a IT-znajomosćemi. Tu wupisane džěłowe městno ma so do tuteje skupiny integrować.

Při samsnej kwalifikaciji so na ćežko zbrašenych we wosebitej měrje keđžbuje.

Požadanja njech posćelu so ze zwučenymi podložkami (tabelariski žiwjenopis, kopije wu-swědčenjow, zapis powołanskeho wuwicća) hač do **20.10.2017** na direktorat Serbskeho instituta, Dwórnišćowa dróha 6, D-02625 Budyšin, si@serbski-institut.de. Tež požadanja, kiž pozdžišo dóńdu, móža so wobkedźbować, jeli džěłowe městno hišće wobsadźene njeje.